



NEWSLETTER BR. 46

DECEMBAR 2018

SADRŽAJ

FIPA AKTIVNOSTI ≡

- » Uručenje plaketa najznačajnijim stranim investitorima u BiH za 2018
- » FIPA učestvovala na Forumu Doha 2018
- » Suradnička mreža za podršku stranim investitorima u službi privrednog rasta Bosne i Hercegovine

FIPA POSLOVNE VIJESTI ≡

- » Malak grupacija iz Saudijske Arabije planira nove investicije u BiH
- » Raspisan Javni poziv za dodelu koncesije za vjetropark "Grebak"

FIPA AKTIVNOSTI ≡



URUČENJE PLAKETA NAJZNAČAJNIJIM STRANIM INVESTITORIMA U BIH ZA 2018



FIPA UČESTVOVALA NA FORUMU DOHA 2018





URUČENJE PLAKETA NAJZNAČAJNIJIM STRANIM INVESTITORIMA U BIH ZA 2018



Agencija za unapređenje stranih investicija u BiH (FIPA) organizirala je 18. decembra 2018. godine u Sarajevu manifestaciju pod nazivom „Izbor najznačajnijeg investitora u BiH“ koju tradicionalno organizira više od deset godina. Ove godine, kao i prošle, koncept manifestacije je djelimično izmijenjen na način da je lista nagrađenih kompanija obuhvatila 12 privrednih društava, za razliku od prethodnih godina kada se biralo po četiri najznačajnija strana investitora. FIPA na ovaj način želi odati priznanje stranim preduzećima, te im se zahvaliti na njihovom doprinosu ekonomskom razvoju Bosne i Hercegovine, zapošljavanju bh. građana, te rastu svih ostalih ekonomskih indikatora po osnovu ovih ulaganja. U posljednje dvije godine BiH bilježi povećanje stranih investicija. U 2017, registrirano je 777 miliona KM stranih ulaganja, što je za oko 40% više u odnosu na 2016 godinu. Trend rasta stranih ulaganja je nastavljen i u 2018, pa je za prvih 6 mjeseci zabilježeno 452 miliona KM stranih ulaganja. Rast investicija je rezultat rada nadležnih institucija na kreiranju boljih uvjeta za ulaganje, na dovođenju novih investitora, te na sprovođenju potrebnih reformi i jačanja konkurentnosti zemlje kako za domaće tako i za strane investitore. Prisustvo stranih investitora u zemlji šalje poruku da je BiH zemlja u kojoj je ulaganje stranog kapitala sigurno i rentabilno, te doprinosi poboljšanju imidža BiH kako u poslovnom tako i u političkom smislu. S obzirom na pozitivne učinke po domaću privredu i sliku o zemlji koju kreira svaki novi strani investitor, Agencija FIPA će zajedno s ostalim nadležnim institucijama u BiH nastaviti raditi na unapređenju poslovnog ambijenta i na taj način doprinijeti poboljšanju konkurentnosti zemlje i povećanju stranih investicija u BiH.

Nagrađenje kompanije, koje dolaze iz različitih privrednih grana, su:

Carpet Centar d.o.o. Čapljina, Ferretto Group Central Europe, Nsoft d.o.o. Mostar, Swisslion d.o.o. Trebinje, Zeochem d.o.o. Zvornik, Wiener osiguranje Vienna Insurance Group a.d. Banja Luka, Kolektor CCL d.o.o. Laktaši, Messer BH Gas, Geomet d.o.o. Olovo, Grand hotel Neum, Pirnar d.o.o. Bosanski Petrovac, Al-Shiddi International d.o.o. Swissôtel Sarajevo



FIPA UČESTVOVALA NA FORUMU DOHA 2018



Na poziv Nj.E. Mohammeda Bin Abdulrahman Al-Thanija, zamjenika premijera i ministra vanjskih poslova Katara, direktor Agencije za unapređenje stranih investicija BiH (FIPA) Gordan Milinić učestvovao je na „18. Forumu Doha“ koji je održan 15. i 16. decembra 2018. godine u Dohi, Katar.

Forum Doha je jedan od najznačajnijih globalnih platformi za dijalog, koja okuplja lidere u politici i biznisu za izgradnju inovativnih i akcionih rješenja za unapređenje privrednih kretanja u regiji i svijetu. Ove godine, u svom osamnaestom izdanju, Doha Forum se fokusirao na četiri osnovne teme, i to ekonomski razvoj, sigurnost, mir i medijaciju, te tranzicijske procese.

Učestvujući na forumu, g. Milinić je upoznao prisutne privrednike i investitore o potencijalima za ulaganje u Bosni i Hercegovini, kao i trendovima rasta priliva stranih ulaganja u našoj zemlji. Ovaj događaj je bio idealna prilika za predstavljanje Bosne i Hercegovine privrednicima iz Katara, uspostavljanje kontakata s vodećim investitorima, te za razgovore o mogućnostima unapređenja privredne suradnje između dvije zemlje. Ovogodišnje izdanje okupilo je međunarodne donosiocice odluka, šefove država, ministre, vodeće privrednike, investitore i zagovornike istraživanja politike oko kritičnih izazova s kojim se suočava svijest danas. Forum Doha osnovan je prije 18 godina kao jedini veliki međunarodni forum u regionu koji je usmjeren na rješavanje globalnih izazova i unapređenje pragmatičnih rješenja. Od samog početka, Forum se razvio u idealno mjesto za istraživanja koja se tiču cijelog svijeta.

Generalni strateški partneri Foruma 2018. godine su Minhenska konferencija o sigurnosti, Međunarodna krizna grupa i Europsko vijeće za vanjske odnose.



SURADNIČKA MREŽA ZA PODRŠKU STRANIM INVES- TITORIMA U SLUŽBI PRIVREDNOG RASTA BOSNE I HERCEGOVINE



Članovi Suradničke mreže za podršku stranim investitorima u BiH sastali su se 4. decembra 2018. godine u Goraždu kako bi razgovarali o rezultatima rada na podršci stranim investitorima realiziranim tokom 2018, te planovima rada za narednu godinu. U ime Agencije za unapređenje stranih investitora BiH (FIPA) direktor Gordan Milinić je istakao značaj suradnje svih nadležnih institucija na podršci stranim investitorima u BiH u situaciji kada nam je svako novo radno mjesto dragocjeno i u situaciji kada imamo visok procenat nezaposlenih. Također, naglašeno je da je neophodno osigurati zajedničko djelovanje nadležnih institucija, te koordiniran pristup privlačenju stranih investicija radi značajnijeg povećanja stranog kapitala u BiH. G. Milinić je između ostalog govorio i o prilivu stranih ulaganja u 2017. godini kada je zabilježeno 777 miliona KM stranih investicija, što je bilo povećanje od 37,9% u odnosu na 2016. Trend rasta investicija je nastavljen i u 2018. godini, tako da za prvih šest mjeseci ove godine bilježimo 452,5 miliona KM. Naglasio je potrebu zajedničkog djelovanja na kreiranju prijateljskog poslovnog okruženja kako za domaće tako i za strane investitore. Suradnička mreža predstavlja sponu između zahtjeva privrede i predstavnika vlasti s ciljem stvaranja stimulaturnijeg poslovnog okruženja, povećanja zaposlenosti, te sveukupnog ekonomskog razvoja zemlje. Gradonačelnik Goražda Muhamed Ramović je govorio ovom prilikom o uspješnom ekonomskom razvoju Goražda, uloznim naporima na kreiranju povoljnog poslovnog okruženja koje je privuklo značajne investicije u ovaj grad, poput Emka Bosnia, Bekto Precisa, Prevent, i drugi, koji zapošljavaju veliki broj radnika. Istakao je spremnost gradske administracije da u svakom momentu pruži maksimalnu podršku svim privrednicima na području Goražda, te da aktivno učestvuje u radu Suradničke mreže za dobrobit BiH. Nakon sastanka, odorganizirana je i posjeta firmi Prevent Goražde. Mreža danas broji 40 članica, a kroz nju je od 2013. godine do dec 2017. posjećeno 159 kompanija. Ukupno je identificirano preko 150 ad hoc otvorenih pitanja. Veliki dio ovih pitanja je riješen aktivnim zalaganjem i učešćem institucija. Za 12 kompanija trenutno se radi na rješavanju otvorenih pitanja. Predložene su 204 reformske mjere od kojih je 20 potpuno realizirano, 25 djelimično, 45 je u proceduri, za 10 prepreka još uvijek nisu pokrenute aktivnosti.

Suradnička mreža je osnovana uz podršku Međunarodne finansijske korporacije, IFC, članice Grupacije Svjetske banke.

FIPA POSLOVNE VIJESTI ≡



MALAK GRUPACIJA IZ SAUDIJSKE ARABIJE PLANIRA NOVE INVESTICIJE U BIH



RASPISAN JAVNI POZIV ZA DODELU KONCESIJE ZA VJETROPARK "GREBAK" ≡





MALAK GRUPACIJA IZ SAUDIJSKE ARABIJE PLANIRA NOVE INVESTICIJE U BIH



Nakon hotela, drvne industrije i nekretnina, Malak grupacija planira investirati u eko farmu. Trenutno traže idealnu lokaciju za ovaj projekat. Zbog raznih pogodnosti, blizine hotela i poticaja za ovu granu privrede, prioritet za buduću lokaciju su dali Kantonu Sarajevo.

U sastavu Malak grupacije se nalaze: Hotel Malak Regency, Drvna industrija Malak Janj d.o.o. Donji Vakuf i Malak Invest.

Agencije za promociju direktnih stranih investicija BiH (FIPA) je 2017. godine proglasila Malak grupaciju za jednog od najznačajnijih stranih investitora u Bosni i Hercegovini.

Ukupne dosadašnje investicije u Bosni i Hercegovini iznose preko 77 miliona KM.



RASPISAN JAVNI POZIV ZA DODELU KONCESIJE ZA VJETROPARK "GREBAK"



Ministarstvo industrije, energetike i rudarstva Republike Srpske raspisalo je Javni poziv za dodjelu koncesije za izgradnju i korišćenje vjetroelektrane (VE) Grebak u Nevesinju, instalirane snage 50 MW i godišnje proizvodnje od 130 GWh. Elektrana neće dobijati poticaje za obnovljive izvore energije. Procjenjena vrijednost investicije je 130 miliona maraka (65 miliona €), a rok za dostavljanje ponuda je 30 dana od objavljivanja u Službenom glasniku. Koncesija se dodjeljuje na period od 50 godina, a obavezan uslov za učešće u postupku je uplata depozita u iznosu od 650.000 maraka (325.000 €). Koncesiona naknada je 0,0055 KM/ kWh (0,0028 €/kWh) električne energije. Vjetropark bi trebalo da bude izgrađen na lokalitetu Grebak, udaljenom oko pet kilometara od centra Nevesinja, na kojem bi bilo postavljeno 15 vjetroturbina. Projektom je planirana izgradnja vjetroturbina, trafo-stanice, kontrolne zgrade, pristupnih puteva, kao i dalekovoda za priključenje na elektroenergetsku mrežu. U javnom pozivu se navodi da je obaveza koncesionara rješavanje imovinsko-pravnih odnosa na lokaciji gde će se nalaziti elektrana, kao i gradnja pristupnih puteva i objekata za prenos električne energije od vjetroelektrane do mjesta priključka na prenosnu mrežu. Zainteresovane kompanije su dužne da uz ponudu dostave i Studiju opravdanosti sa procjenom uticaja na životnu sredinu.

Inicijativu za dodjelu koncesije podnjela je kompanija VE Grebak iz Nevesinja koja je deset godina (od 2008. godine) vršila mjerenja parametara Energije vjetra i dobila vrijednosti prosječne brzina vjetra od 7 m/s. Kompanija će kao podnosilac inicijative, prilikom vrednovanja ponuda, dobiti bonus za ponuđeno rešenje do 10% bodova po svim kriterijima.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Dubrovačka 6.
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54.
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted in the colors of its flag: yellow, blue, and white with stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA